

الهيئة العامة لقصور الثقافة
إقليم القناة وسيناء الثقافي
فرع ثقافة السويس

كامل عيد رمضان

أحلام مستحيلة

أشعار بالعامية المصرية

تحت رعاية الفنان
عبد الرحمن نور الدين
رئيس إقليم القناة وسيناء الثقافي

مدير عام الفرع
م / سيد الشناوي

مدير التحرير التنفيذي
السيد يس إبراهيم

الإخراج الفني
د / علي محمد علي
(دكتور بكلية الفنون الجميلة)

x الغلاف والرسم الداخلية
الدكتور / علي السويسي

التدقيق اللغوي
د / عبد الباسط أمير عميرة
(دكتور اللغة والأدب العربي بكلية التربية)

المنابعة الإدارية
م / محمد عبد المنعم (مدير المكتب الفني)
أ / أميرة خليل درويش (مدير الخدمات الثقافية)
صفاء حسين الجنائني (رئيس قسم الثقافة العامة)
ثناء محمود إبراهيم (رئيس قسم العلاقات العامة)

المراسلات - ثقافة السويس - تليفاكس - ٣٣١١١٠ / ٠٦٢

إهداء

إلى أمي التي علمتني الوطن

عززي القارى

ما بين يدك من أشعار بالعامية المصرية هو في مجمله -
كما أراه - بحث عن الحقيقة من خلال قصيده شرعية تنتمي إلى
هذه الأرض التي أحيا عليها وأعيشها في عيون أصدقائي وملاح
وأحلام البسطاء من الناس الذين يجلدون طاقاتهم في كل لحظة
كي يوفروا ما يدفعون به غوائل الأيام وتقلبات الزمن وهي قضايا
ليست خاسره كما يدعي البعض ، ذلك أن القضايا الحقيقية
المرتبطة بالإنسان لا تخسر أبداً .

هكذا ارتضيت وارتضاني الشكل البسيط في كتابة الشعر
الذي كثيراً ما أجدني فيه في مَهَب الوطن الذي هو عندي كل شئ
ويربطني رباطه الوثيق بالتاريخ والمجتمع والناس وبإمكانات قد
تحقق الأحلام رغم أي شئ .

كامل عيد رمضان

الدُّنْيَا مَرْكَبٌ وَنَاسُهَا ، غَاوِيِينَ خِيَانِهِ وَغَرَقُ ..
الدُّنْيَا مَرْكَبٌ - شَرَّاعُهَا ، هَذِهِ السَّفَرُ وَالسَّبْقُ ..
وَالْبَحْرُ غَامِقٌ غَرِيقٌ ، يَعِشِقُ حُطَامَ الْقَلْقُ ..
آه يَا صَدِيقِي الصَّدِيقُ -
خَائِفٌ تَفَوْتَ الطَّرِيقَ ، وَالصُّحْبَةَ تَطْلَعُ وَرَقُ ..

الهويه

١- الكلمة...

× الكلمة يا أحباب .. الصبر والحيلة ..

الكلمة صدق وحب ، شياطة الشيطان ..

الكلمة هبلا .. الأرض والشغيلة ..

.. العدل في الكيلة ..

.. القوة في الميلة ..

الكلمة لو صحت ، صار الجميع عيله ..

× الكلمة عيبة ، لو يوم تغني للخسيس والخبية

منسيه معطوبه -

لو عكزت ع الشك أو ع الربيه

الكلمه أيوه ولا -

في الحق مطلوبه ..

بالصدق محبوبه ..

وف حصة الظالم ، لها في النفوس هيبه ..

٢- السلام

لو تزرعوا أرضي سلام ، كنت ابقى -

أبقى الخضار والورده ...

أحفر بضاير أملي ، يضحك قمرنا الفضة ..

تنتهي يا شموسه .. بتزولي يا شدة ..

يا مصر يا شايه .. شمسك هنا الطايه -

بتبوس خدود نيلك حنيه وموده ..

يا مصر يا شايه ، لسه الرايات شارده .. !

وقلوب حمام الدوح بتنوح على السكه ..

يا مصر يا شابه -
لسه السلام مرهون ، عايز عيون ما تنام
وعزوم رجال صوآن ، على الحدود واقفه ...

٣- مَوَالٍ


يا مصر ...
صبح الصباح فتاح ، واتقسمت لرزاق
شواق أنا ومشتاق ، وأنا أول العشاق
مع كل طلعة فجر بانهض وبادهيلك ..
أتحمى بشموسك واسرج قناديلك ..
ويصيبني ما يصيبني ، شافي الجروح نيلك ..
يا مصر أه يا مصر ، يا جنة الموعود
إنتي المدد والجود
والزاد هوى وأشواق

٤- نَدَاهُ الْحِلْم


- ولما احلم .. باغني الحلم وأنادي
بتسمعني وباسمعلك
واجيلك صافي في ميعادي
بنام وإصحا
واصحح كلمتي .. تصحا
بترجعلي وبارجعلك
أوان وردك
تغني الشمس في بلادي
- ولما ارتاح لغفوة حب منسيه

باحس بقلبي أغنية
وباشعر بالقمر صاحبي
وأنا عالي
علي ضوء الحنون باحبي
وباملا كاسي لحبيبي وتملالي -
ترفر فرجي في الغيه
ولا خافشي
من التوهه وم الخيه
يا ندهه شمسنا الجايه
عيوني صاحبه ووفيه
وأنا ... أنا بأحلم .. !!

٥- ميزان الكلام



يا ابو الكلام ترا تيل حنين ..
في كل ساحة وكل حين -
تلتضم حروفك والخيال
صوره وجمال ورباط متين ..
تنسجها غنوه ف كل بيت
عصافير تزقزق ع السطور
بميزان أصيل
وكلام بسيط
أسمع كلامك .. أعشقتك
واحلب معاك مطر السما
تروي المشاعر باتبعك
وانشد معاك الملحمة
عزفك فرح .. عزفك كدر
بتنطق الحسن الحجر
هو كده فن الحياة



إلهام بيلعب عَ الوتر
بيصَحَصَحَ الحلم النديم
ما أَدَعَكَ
يا بُو النغم سندس حرير
ما أَرَوَعَكَ
بِتَزَلْزِلِ الوجدان شجن
باشتدَّ وياك كل حَرْف
وكل بيت
شَادِدٌ عَنِّيَا عِ القصيد
فيه شَيْءٌ حَقِيق
فيه شَيْءٌ جَمِيل
بِأَشْعُرُ بوصلك في العَصَب
ترنِمة العيلة النبيل
أبو عودَ ملائكة ونخل بيتزل رُطب
وأنا باعشقتك - لما ألقى شِعْرَكَ مِشْ حُطْب -
صَفْرًا وَهَشِيم
باهت يا كل الشَّعْر ، لو ما تهزنيش ..
لو أَرَسَمَكَ والقَاكَ هاموش
لا روح ولا هزة شجر ...
يا بُو الرطآن عَالِي الجرس
حَسَنَكَ حَرَسَ والفن صيص
يا بُو البِدْعَ عَالِيه الشواشي
والجروك - منتور وهيش ..
الشعر بَرَه الحس طيش
غامق غطيس
جامد وصامت كالصنم ...

الأرض والماء

ما تسألوش ، منه فيه ...

× ما تسألوش من فين ... الكلمة تجمعتنا ..
ما أسعد الطالعين ، بالصدق والمعنى ..
وما أتعب النازلين ، لم حسوا أوجاعنا ..
أنا اللي إنت البرئ ، والكلام محسوب ..
ماسك لجام الطريق ، وبا فقط المكتوب ..
والدنيا عندي الناس - قلوب وحاضنه قلوب -
زارعه الصحاري حياه ويتعزق الفدادين ..

xxx


× ما تسألوش من فين .. الأرض مراجعنا ..
دايره ويتساعتنا ..
لو القلوب تصفا ، تفتح لنا الأبواب
أحباب وناس أصحاب ..
لو الميزان ميل ، بنحطم الزنازين ..

xxx

× ما تسألوش من فين ، واستلهموا المعنى ...
أنا اللي باضحك معاك
وأنا اللي لجلك باموت -
يا شعب يا ابو الحكم ..
أنا كلمه دايبه بهواك
وأنا الغريب ع الشطوط
والطويه تحت الهرم ..
وأنا اللي أبويا النديم -



أبو الكلام بساتين .. الإنساض والنغم ..
وأنا اللي عدى المحيط
ويحر شر حويط ، وداس عليه بالقدم ..
xxx



وأنا اللي باحلم ساعات -
أقتل ضباب السكوت ...
باخلي شمس الصباح -
ترمي السلام ع البيوت ..
يسألني ليه القمر ،
بادوب في حبك وأموت ..
وانتي يا ست البنات ،
تاجي المرصع يا قوت ..
ده انتي الغرام والهوى
والصحبه صابحه السنين ..
وانتي النسيم الدوا
والحلوه شايله الطحين ..
وأنا اللي منك باتوه
وارجع دليلي الحنين ..
محلا الكلام يا مصر
محلا العطا يا نيل ..

جَوَانِيَات

×× م الأول تاني عشاني ..
نفسى الأيام تلقاني -
أحضنها أحلام وأغاني
والقاها مع الأحباب ..

×× م الأول تاني .. جاويني ..
نفسى الأيام تسبقني -
تسمعلي وتشوقني
وترجع قلبي شباب ..

×× م الأول تاني وتاني ..
بيعود الفكر ثواني ..
مين قال العمر بيرجع .. !!
مين قال وأنا صمتي بيوجع
ويدق على الأبواب ...

×× الباب الأول .. بابي ..
دقيت على نبضه بقلبي -
أنكرني وقال كذاب ...

×× والباب الثاني ، عيوني ..
بصيت ع الحق ، لاموني ..
وقالولي الحق سراب ..

×× والثالث ، ذكرى قديمة ..
غنيتها بقلبي الحيلة ..
زرعوها ظنون وعذاب ..

×× والرابع لسه أنا فيه ..
من خوفي عليه بإداريه
بالأمل الفاضل فيا -
مدفون وياه في كتاب ..

×× يا حبيبتي شيليني ، أشيلك
واصلي عودي من حيلك
لميني في حضنك لمي ...
على صدرك أدندن اغني
وساعتها الشمس حتضحك
والفرحة تطول عمري ..
لا الخوف من بكرة يخوف ..
ولا عمر النار حتطولني
والروح بتشيب شباب ..

×× يا حبيبتي وجبك باقي ..
برويني في أرض شراقي ..
والعود حيطول ويخضر ..
والفرحة حتصبح أكبر -
لو سالت نقطة دمي ...

١٩٧٥

لما نحب... نكُونُ..



× إنا هنا .. إنا هنا .. إنا هنا ..
نعشق تفاريح البلد ، سكة أمل متلحنه ..
نعشق خطاوي الحب عاليه ويعرض السما ..
ونحب شمس النهار .. زهار وجار
وحس صادق في لغنا ..
ونحب ، لما نحب نبقي كبار
والحب يطرح سنبله ...
واما يتوه منا الطريق -
ننسخ خيوط الفجر ونمد الخطى
متهزناش المحزنه ...
واما تبصي يا مصر بصره ، تلتقينا كلنا -
ننسى الآلام ... ننسى الظلام
ننسى يا مصر أي شيء ، ولا نفتكر -
غير إن حُبك فوق وفوق
زادنا اللي ما بينقص هنا ولا خردله ..
زادنا اللي بيقوي النفوس
ويخلي أعلامنا تضوي في الفضا
والعزم يطرح سوسته
× إنا هنا .. إنا هنا .. إنا هنا ..
نكره ربيب الزيف والعيبه فاجره الطنطنه ..
ونحب نضرب ع الدفوف صدق المنى ..
ونحب قارب مجدافينه طوال -
يضرب يعافر في الطريق
ولا يكل من العنا
×# إنا هنا .. إنا هنا .. إنا هنا ..
بيهل على صوتنا النهار ، لكنها -

نكره إيدىن خاينين ، تاخذ وما بتديش
ونكره الشعرا الكذابين والطيش
ونحب يا مصر الضمير دستور -
غازل خيوط الملحمة ...
×# إحنا هنا .. إحنا هنا .. إحنا هنا ..
محناش كبار لكن ، لما نحب نكون
بنخطي فوق ونطل
زي النهار ما يطل ، إحنا عليه بنطل
محناش كبار لكن ، بنسابق الأيام
نرمي الخطي لقدام
زارعه إيدينا الشمس
والحب فرشه وضل ..



الأرض كروية

حيلتي القلم .. حيلتي ..
في عز القهر .. ضليلتي ..
وسيلتي -

لو يغيب عني المنام ..
أحلم معاه ، باكتب :
(لو كان حدايا للحمام أبراج
لافرشلك الأيام غنا وزواد)
يا عمري يا صغير

xxxxxx

من صغري أنا
مكتوب على قلبي الغنا .. قمره ...
ونبتة تين على شجرة
وسنيوره في إيد محروم
ونجمه بديل -
بتجري في السما وتحوم
أسابقها .. بتسبقيني -
أتوه في الكون
وأرمي اللوم ، على عمري -
مَآنا صغير
وتنيتني على الإحساس ده متأثر
وقلت أكبر .. مسيري اعرف ...
عرفت الأرض كرويه ...
(عرفناها من الكتاب)
وشيخنا قال بلغوتنا :
(دي تبقى ، زي طبلية
عليها ياما الأصناف)

لكن يا ولاد
"وبص الشيخ يمين وشمال"
بسرعه وقال :
ومتحرم ، يدوقها غير سيد البندر
وشهيندر
وشخص ف ايده خفيه
رعشني القول
ويارجع للقلم تاني
وياسال نفسي واتساءل :
حكون أنا إيه .. ؟!

١٩٦٦

إهداء

لكل من لبس العمامه وزانها
ولكل غنوه ع اللسان خيال ..
لكل كلمه أعلى من سجانها -
تدبر حروفها وتكسر الأغلال ..
ولكل من علا علمها وخلي -
الشمس طاله بكلمه مش ع البال ..
ولكل من أوفوا وكانوا أدله
بيعوض الله
ويهبون الله يا خال ...

يعوض الله ×

(عليه العوض ، يا سقاين) .. !
ماحد عاد بيشترى ميتكم ...
ماحد عاد يعرف زقاق بيتكم
ولا حد عاد بيقرب القربه
ويرش ع التربه
جفت حلوق صبارة القناديل
فتحت عيون الليل
الليل وأنا غربه -
بيرشق حربه ف قلبي
نهش قلبي
ماعرفت فينك يا قمر
وأنا كنت مطرح ما التقيك جنب الشجر -
أضحك

والحس لساني بضحكتي
وارشق في قلبي ضحكة القواديس
وولاد بلدنا بيطحنوا الغله -
يوم زفتك يا عريس
يوم زفتك .. ؟
معرشني كان جمعه واللا كان يوم حد .. !
كل اللي فاكره ولد صييت
غني الغناوي كلها .. ليا وليك ..
ولكل سكان البلد
نقرشت قلبي بضحكك حنه
يا للي اجنا منك وانت منا -
عارفك أنا
طول عمرك تعشق الجنه ، انما -
ما تحبش الجنه بيبانها ضيقه
نبشت عليك المسوقه ..
طب خد ... بتضحك .. ؟
خد كمان ...
- شايف الكلام .. ؟
(شفته ، وما سمعتوش) ...
أدب ولد .. خرسيس .. !
يا نبقي كوم كورس ورا الكواليس
يا ف ضهرنا الخرطوش
نرشق في عين الشمس سنتنا ..
في لعب ، دمعتنا وضحكنا ..
ما عدشي حذاك .. ؟!
بختك كده
بختك يا بنت الناس
فاتك أخويا حبله بالموال

وبقرة السقا
يا ميت حشره على السقا
طخوه في عز الظهر في القربه
(عطشان سبيل .. عطشان)
فينك وأنا أسقيك .. !
فينك وأنا أفديك .. !
قرية دموع عيني يا دوب نقطه -
لكن ترويك ...
يدن آدان الديك ، والفجر يطلع حي ..
حي على (عيسى) الرسول الحي ..
حي على (طه) الرسول الضي ..
حي على المواليد ، أصاله وعيد ..
حي على الكلمه في بطن الغيب ..

١٩٦٦

× مهاده للصديق الشاعر : سيد حجاب

ثُلثُ بِلَحْدِ

× وصغير ...
فكري اللي صغير .. كيف يتغير .. ؟
ويشوف أحلامي وأحلامي -
طفل صغير
وسنين بتعدي وقدامي -
شئ بيحير .. !
(الليل وشوية نور على كف شيطان)
اليوم وحدادي بدون مرسوم -
بتحاور في الغريان
والكون مسطول بالهم ودم
بيزحف ع الشيطان
تستغرب ليه -
لو طاطى ونخ ابو بطن جعان .. ؟!
تنشأ م ليه او تتغير
ده انت مسير .. مش متخير .. !
مين صلب الفجر .. !
مين علم طفل يعرض الأرض .. !
تعدمني ، لو يسمعك حد -
غير لما تكون صبييت ، لك صيت ..
قرشك مشروط
ضهرك نبوت
الناس تسمعك ، عالي الصوت ..
وتهز هلالك تتقدم ...
- سلم ...

إغسل إيديك لجل تسلم
(القرش بيعرف يتكلم)
حسك تحزن أو تتألم ...
عمر الموال ما ينالم
على صدره الناس ، بتقوم وتنالم
لا ساومنا بكالم ..
ولا طالب كالم ..
موالي بيعلم بالإنسان .. إنسان
ويعلم طفل أحلامي يعيش أيام
مع لعبه حصان
وقلوب تنجلي ألحان
مع ناس بتزف النور
بجرس وأدان ...

حكايات بلدنا

- في الليل
والليل في بلدنا ما يعرف نوم
الليل في بلدنا قمر ونجوم
الناس صاحيين
وعيال على كوم الرمله هناك -
طالعين نازلين ..
وشيوخ بتقول حكايات ع الطين
ستات عواجيز على باب الدار -
بتقول حكايات
عن ابن السلطان وعروسته ،
تتنهد حوالها بنات
في بلدنا ، الناس ملهاش هوايات -
غير بس (سلامه) لطش قيراطين ..
وجاموسة (جمعه) جابت عجولين ..
على سهوة وكل الناس قاعدين -
إنطخ عيار
جرى كل الناس
شبان وبنات وكبار وصغار ..
ولا واحد منهم سك الدار .. !
- إيه الأخبار .. ؟
قال واحد جاي من غرب الكفر :
(حسنين أبو شلبي) الصرماتي ،
طخوه بالنار ...
مسكين حسنين .. غلبان حسنين .. !

فات ساعة وأكثر من ساعه ...
الناس راجعين ، بقصص وأخبار
الناس بتقول :
لقوا راس حسانين فوق شجرة توت
وف إيد حسانين المقطوعه ، لقوا حته قماش
..... (الظاهر قاوم قبل الموت) ..
مسكين حسانين .. غلبان حسانين !
ده الناس بتقول ، قطعوه نصين
ورموه في الساقية المهجوره
من غير رجلين ...
مسكين حسانين .. غلبان حسانين !
في بلدنا الناس مناموش الليل
والسهرة الشاي ، بقصص وامثال
عن موت حسانين
صَبَّحَتِ الحادِثه ورِغِي الليل
وأنا رايح البندر اصْدِر طرد
بصيت ع الكوبري لقيت حسانين
حسانين في البندر بيحيب جلد .. !!

إلى الصديق ، رسالة من الغربة :

أما بعد :
× (الرويس) بعدكم كوابيس ..
عالم ترابيس
وأحياناً ، بقر وهريس
وعم (آبيس) ٢ -
بيحكم حاجة العالم في أوضه جيبس
تسرب من الأيام
فلوس وكلام ، بلا أحلام ولا سكه
وأدي احنا في الطاحون دايرين
بنقبض فضلة الفكه
بنتنفس وتتحرك
ولكن بس بالبرشام
... ..
× واقولك إيه عن الأحاسيس .. ؟!
باحس اني بابيع نفسي
رخيص وقطيس
وشايف الحياه ماشيه
وجراني ..
ورغم اني في وسط الناس -
باحس اني غريب الفكر وحداني ..
ولما اسأل مين المستول -
باشوف اني ، أنا المقتول
وأنا الجاني .. !!
وكله ف دايرة البلايص
شريد وتعيس
وحضن القهر أحضاني ..

... ..
× وآهي أيام ، ويتعدي ...
مشينا في دائرة الطواويس -
بنرطن (Yes) و (No) .. عجيبي .. !
ورقصني الأفرانكا .. وأنا وأنت
مادام حنعي في الشنطة - متسألشي
وداري الخبيبه بأونظه
والعب لعبة النسانيس
صريح وخبيث
وكله نمره في اللسته ..
حمام بوسته ..
بلاش تسأل وتستفسر ...
وقوم اشرب ، في صحة شلة الغربا
وسلم لي ، على الملاحيس ...

٢٢ / ٧ / ١٩٩٠

(١) الرويس : مدينة صناعية بدولة الامارات .
(٢) آبيس : عجل كان يقده قديماء المصريين .
كله نمره بالاشنطة .. و لعلني بجمعني (لعم)

مقاطعة من كتاب الوصايا الحديث

× دنيا ودائره
بالأرقام والكلمه البايه
شوف واتفرج
لا تتخرج
وارمي بياضك
يمكن تكسب
غوص في الحلم وعد المكسب :
زعابيب قايمه
قراطيس نايمه
الأحلام في العتمه مزايده
إيه في الخص وإيه المطلب .. ؟
الإنسان بالحلم الخرده -
جوه الشنطه ...
جيبك عيبك
همك شيبك
لو تتأزم ، لاغي السلطه
وارفع صوتك
وإن تمنع .. أسكن جلدك
وأرضع صمتك ...
دنيا مغالطه .. دنيا مبسطه
تاه الحابل ويا النابل -
جوه معامل فن السلطه
والعب ياسطى .. !

× دنيا ودائره
ونهود فايهه -

مش من حَقِّكَ
لو تنهّامس أو تنغامز -
تكسر حَقِّكَ
وتعيش أكتع
همك ينشع مر ف بَقْكَ
وتموت صايح ، طازه ولقطه
فك القمطه وخليك ناصح ..
أصل الدايره حاكمه وسايره
واحنا جوه الدايره دبايح ..
دمك سايح
عرضك طايح
حسك تسأل وتغوص جوه
شوف من بره ولا تننمرد
تلقى السكه زهور وملايح
فكر بكرة
واعرف عيبك
إلعب دورك
غذي المسرح
وسع وسع ..
فسح فسح ..
الفرفور دبور بيبرطع ..
شوف واتسلى
عالم فالصو داس ع الترسو
وانت القله
بطنك فأضيه
وحلمك عله
خليك طافح ، بالأوهام
في الشمس الباردة .. !

× آخر همسه

أو تتمنظر ..

لسه القرع يا (کامل) يا بني -

حاول تفہم -

قصه ريمه

ملهاش خارج ولا مستورد

لوحتجازف تطلع بره -

خليك جنب الحيطه وجرب

ون تتأزم ، إسأل ربك

صاڻي وسائيس

والعب دورك ولا تتشرط

وتناول حظك

إصحاح یا (کامل)

The figure consists of two line graphs, labeled (a) and (b), showing the percentage of the total population in the labor force by age group (15-24, 25-64, 65+) for the years 1970 and 1980. The y-axis represents the percentage of the total population in the labor force, ranging from 0 to 100. The x-axis represents the age group.

Graph (a) shows the data for 1970. The percentage of the total population in the labor force is approximately 15% for the 15-24 age group, 55% for the 25-64 age group, and 30% for the 65+ age group.

Graph (b) shows the data for 1980. The percentage of the total population in the labor force is approximately 25% for the 15-24 age group, 60% for the 25-64 age group, and 35% for the 65+ age group.

The graphs illustrate a significant increase in the labor force participation rate across all age groups, with the most pronounced increase in the 15-24 age group.


أناشيد للحزن

ليه لما باضحك تمللي ، تسح عيني الدموع ..
واشعر بقلبي الرقيق مشقوق ما بين الضلوع ..
سألت واحد بيّفهم في الطب والإحساسات
قاللي ده داء الغلابه من الأنين والسُكات
واسأل تاريخ (الجبرتي) -
في اللي انكتب ع النجوع ..

كلمات العمر القادم

× غريب .. وجيت الزمان الغريب
متيم بـبكره .. يا بـكره الحبيب
ونفسي التقيك .. تلتقيني -
مسبل عيوني
على زرع أخضر
وفارد جناحي وطاير بعيد ..
###

غريب ...
غريبه الحياه النجاه ..
غريب الندم -
في عالم خرافي الولاه
في عالم ضرير المشاعر
بيحكم سماه العضاه
وتطول يا ليل الحصار
بتجلد ما فينا ، ضميرنا
اللي تاه
ما بين الخرس وخيل الحرس
وكذب الطغاه .. !
- غريبه الحياه النجاه
آهات شايله آه ..
دي آه بالدموع
واه في الخضوع
واه دفينه ما بين الضلوع
واه لما تحزن تكون ألف آه
بتدهسني مره وتخسفني ألف
أنهنه وخدي



علي صدر ميت ومغدور سعيد ..

###

- غريب .. غريب الزمان الغريب

وأنا م الزمن ده ولكن غريب

وزي الأغاني الغريبه الأمانى

بيسقط صداها وتايهة المعاني

وتهرب يا عيد

بتبعد بتبعد

تشاشي .. نشاشي

نشوفك طشاشي

أطمئن ضميرك ، بصمتي الحماسي :

مسيرك تشوفني

بضاعه وبارت في سوق العبيد

ده إيه واللا إيه .. !؟

ده بكره العشم واللا بكره العنيد .. !

يا مصعب كلام الحقيقه ..

يا مصغر حروفي البريئه

ومصعب تغني ودمعك صديد .. !

###

× غريب ...

غريب الزمن الأمان ..

وناسي غريبه الحكم

بيسرقتي ياما الكلام

.. أذندن حروفي

وأطمئن في خوفاي

عصارة الألم

ومره تاخذني حلاوة ابتسامه

أعيشها بضمير الأمانه

وأكبر في ريشها
وبانسجها جنه
عروسه بضفاير وزفه وحنه
وبافتح بيبياني
عروستي الجميله الأصيله المعاني -
بترقص عشاني
هنا الحب أخضر
وصبح وجاني
هنا ... وفجاء بيهرب .. !
أفكر .. أفكر ..
وآه لما افكر -
جيوش الضبابه بتهجم وتقدر ..
تسرب دموعي وباغرق مكاني
ده إيه واللا إيه .. !
ده حلمي الغريب واللا يمكن
نهايه وتيه .. !
ده بكره الصعب واللا يمكن
ده بكره المسود بياض الوجه .. !
غريبه اني عايش
غريبه اني عاقل وطايش
باجرجر سؤالي
يجرجرن تاني السؤال
واسبب كلامي
وبالمح خيال
فيه نجمه ف حياتي وتاهت
فيه كلمه ف ضميري وساخت
فيه دنيا ، وآسف ، يتيمه الهلال
###

- غريب الكلام الأمان
يا بكره الصعيب البيان
وناسي غريبه الحكم
فمهما يقولوا ، يطب الميزان
ببأقي الحطام
وتقصف حروفي سنون القلم ...
ده إيه واللا إيه ... !!
ده غل السنين واللا يمكن
ده دَمعي الحزين واللا يمكن
دي غنوة حياتي اللي باهته النغم ...
أنا ابن الغريب الغريب
وآه ع الغريب لما يصرخ -
بيكي العدم ..
أنا ابن الغريب الغريق
وآه ع الغريب الغريق
ندامة الندامة
لا طلعة جنازه ولا دمع أم
أنا ...
أنا زرع أصفر ويابس
داسوه السكارى في رطن المجالس
أنا السم كاسي ، بيشتريني دم

هيمنجواي والموت في عز الظه

× لمين ندق الجرس .. ولمين .. ؟
لمين وعين الفرس -
صبحت خرس في الطين .. !
عين الفرس علي مين .. ؟
- يمكن تكون ع الشقيانين
يمكن تكون ع المحرومين
يمكن تكون علي فرنه في الدوار
واتسهدمت فوق العجين .. !
- يمكن تكون .. طب ليه ما يمكنشي .. ؟
ده أنا لسه شاييل فكرته برمشي ..
جوه المطابع .. جوه في السينمات
هيمنجواي شفته عجوز في البحر
صياد بلا سمكه .. لكنه ما مات
هيمنجواي .. شفته جدع بيحب
بيحب سيرة الحب
وبيعشق التفاحه ف ايد حوا
وبيعشق المروه ..
لو تنده النداهه غل الحرب
يصرخ ويتلوى .. !
مش دي النهايه يا جدى .. مش هيه ..
وانت اللي كنت بتعشق الميه .. حياه حيه
وطيت لمين ولمين .. ؟
للمشقه .. واللا للجلاد .. ؟
ياما كنت عايز ألمحك حداد
تدق حدوة فرس
وتوضب الأوتاد

تشكيل الخامه بألفين شكل

سهمت ليه وسرحت .. !

لازم كرهت الديب

مع بنت بكر ف فرش

لازم كرهت العرش

وكرهت في الدنيا صفار الفجر

ياللي رضيت بالقبر :

حندق لك جرسين ورا جرسين

إثنين في يوم الحد

واتنين في يوم ما نزور -

قبر العذاب والحرب ..

ديسمبر ١٩٦٢

أنشيد الحزن اللبائية

١ - الإحتاف :

× باعترف ، إن القتل قاتل

وان القاتل مقتول ..

× باعترف إن الندم حاصل

بس الضمير مشلول .. !

× واعترف بأن فيه مسعى

وناس شرفا

بس الطريق ملغوم .. !

- مين اللي خلى الشمس في المنفى

وملا سمانا غيوم .. ؟ !

ومين بالقصد والخسه

ضيع المدلول .. ؟ !

دلوني يا صحبه

رسوني ع المستول ...

مين اللي هد وعكر المجرى .. ؟ !

... كل القطيع موصوم

... كل القطيع موصوم

الوالي والمحكوم

القاضي والمتهم

واللي بيهرب من ندا الملهوف -

بالصمت أو بالنوم ..

ملعون يا داء الخوف

والإنتظار ملعون .. !

###

× واعترف ، إن القتل مخدوع

ما بين الشرعي والممنوع

واعترف إن القتييل صاحبي
والمجروحين ، أهلي
بس الوصال مقطوع
صور يا دمع القلب واسمعي -
أبكي على جرحي
والمقتولين بالجوع ...
محكوم أنا ، بالردة والسادة :
مرض الخضوع حكمه
الإنحناء عاده

والصمت سيف مشروع .. !
- إكتب يا قاضي الدنيا .. يا معلم ..
يا صاحب العزه
يا هو القانون مسعور -
سيافك المأجور ، حرمني أتالم
وف كل ما يفز الضمير فزه -
تنخني ميت هزه
والخوف نذير مطبوع .. !
ملعون يا داء الخوف
يا سمنا المنقوع .. !!
###

٢ - الإستغفار :

× منين أجيب للمصلوبين حكمه
تفك قفل الطوق .. ؟
دلوني يا حُكَمَا
قلبي الحزين مشقوق
نبض البلد مخنوق
والشرقا بيضلوا

بيعافروا ويقلوا :
خايف يتوه الحب .. يتخلوا
ويضيعوا صوت ورا صوت
مقسى عذاب الخوف ..
ويا مقسى انتظار الموت .. !
هيه كده بيروت ..
ست الصبايا ، الحب والمعنى ..
شاخت ورا بابها
واتكفنت بالتوت .. !
هيه كده بيروت
بولادها حوالها
بيفضوا بكارتها
ويزنهرها الطعنه
واللعيه شوط ورا شوط
هيه كده بيروت
لا خل ولا شفعه
والأمر في المخطوط
هيه كده بيروت
دبيحه ورا بابها
والدم سائل عوم
واحنا الندامه الشوم -
واقفين بنتفرج ..
لا إحشام ولا لوم
ملعون يا داء السكوت ...
والإنتظار ملعون !!

× عن الحرب الأهلية اللبنانية (١٩٨٤)

في ذكره ما جرى



الغيظ نبيل ...
اللون أصيل ...
والبسمة فوق خدك صفا
والنظرة منك سلسيل
يام العمار والسلطنة
يا مدندنه -
لحنك يا ناعسه المنتشي
بيهز ف ايوب الغنا ،
رغم الأثنين
قلبك وفا وانا باعرفك -
صباره وانتي دمع عين
عارفك كده .. أنا باعرفك -
أما ننادي الشمس وتجيلك حنين ..
سامعك أنا .. أنا باسمعك
أما تناجي الضلة وتلاغي النسيم
واما بضيع مروي الحياه
نلقاكي طالعه بتزرعي قلبك سبيل
يام الحياه صابره الغنا
عشت الحياه فوق مركبك -
شفتك أميره ع السنين
شفت العمل ، فرقط على سدرك عرق
شفت الحياه مجداف أمل ، شق القلق
وانتي عروسة الشغالين
يا مركب الأحلام يا ناعسه -




أمانه تقربي ..
يا معلمانا الحب من قبل الكلام -
وايوب صبي ..
حسك يا ناعسه تفضيبي ..
حسك تقولي ، كان وليه .. ؟
ده الكلمه لو حبلت بليل ،
بتطلع المولود شقي ..
والقلب من كره الحرام ، يصبح ضرير ..
من فين لفين ،
وخداننا من بعد الأنين ، إتحققي :
- إيه اللي ضايح يا عروسة النيل .. ؟
الجواب واللا السؤال !
الطريق واللا الرجال .. !
واللا الهوى أعمى الضمير .. !!
- إيه اللي ضايح يا عروسة النيل .. ؟
القمر واللا النسيم .. !
الطريق واللا الدليل .. !
يا هلترى صعب الكلام ،
واللا احنا مش أد المقام .. !!
متأخذيناش يا مصر .. متأخذيناش ،
الحلو بس بنسمعه ...
- الحلو بس .. يعني إيه .. ؟
يعني كلام يقدر يقول عنك غنا -
لما اسمعه ، أنسى الفنا
- الحلو بس .. يعني إيه .. ؟
يعني رجال ، تقدر تعلي في البنا


وتمد لك بالقلب .. وتمد لك باليد
ألقاكي جُوه عيون حبيبتي بالأمل متكحله ..
- الحلو بس .. يعني إيه .. ؟!
يعني العمل ، ونشوف علمنا في السما
ون جت تزورنا محزنه -
نلبس لها الثوب حديد ، ونقوم سوا
نضرب على إيد الخيانة لو تفكر تجرحك
متأخذيناش يا مصر
ده القلب دايما مطرحك
ويكره حتشوفي الكلام -
لما آجيلك والمحك دايسه الظلام
والنبض عزم وضي
يام النهار الجي
غني ليكره الجي ..
غني معانا للبنا يطلع جديد -
ياللي مازيك زي ...
الشعب مهما الليل يزيد -
الشعب حي ..
الشعب حي ..
الشعب حي ..

١٨ يناير ١٩٧٧

حوار مع الجندي سليمان خايم



× إديني قلبك أسكنه وإسند عليه -
قلبي الجريح المبتلى بزمني السفه ..
إديني يدك شدني ..
صحصحتني ثاني ولمني
م التوهه والخوف الكريه ..
يابو الكلام هامس وقال
وانت الحدث
صوتك أدا
همسك جرس
فوقتنى ...
وكتبت بإديك البيان
طمنتني ...
لسه يا مصر بتولدي
بتكبري .. ويتكبري -
رغم الموانع والحرس
- سمعني ثاني يا سليمان
مشتاق لفتك ، باعشقه
عشق الرجال المغرمين
للنيل معانا ونشتهيه
طاهر وصاين شرعنا ..
يابو الإيدين دقوف وشبت للسما
وخرجت من دون الصفوف -
تعزف لنا لحن المني ...
مليني من ثاني الحروف



واضريني لو لخبطت حرف
أيوه حفظت :

الحب فرض
الأرض عرض
والعقل له في الصبر حد
ما أحلى قولك يا سليمان
يا أبو العيار مليون وقلت ...
####

× من كام سنه وانت بتعشق مصر -
قول - من كام سنه .. ؟
- من وقت ما شقت عيوني شمسنا
وشب البنا

من وقت ما شفت الغيطان -
حاضنه البلابل ع القنا
من وقت ما حيلت بلدنا بالأمل
ولا اكتمل (بدر) الغنا ...
من قبل ما أعرف إسمي إيه
أو مين أنا ...

لكني جيت - زرعه على الشط الكبير ..
(سلامات يا نيل)

يا أبو بسمه تعشق كل بيت
وتضمه لمستها الحرير

× قول يا سليمان ، يسلم يمينك يا أمين
من عهد مين طلبت علينا م السنين .. ؟
- من عهد (مينا) المبتدا ..

من زعقة امي في المخاض
وصوابعي في عيون القلق
من نبض (منف) المفخره

من أي بطن لأي أم
وف أي شبر من البلد
أنا الضمير لما برق
أنا الأتون والمطرقة
والزيرفون
وأنا الضعيف اللي انطلق
باشتد ساعه الجدة عون ..
الروح تهون
لما الحقوق تصبح مدد
والقدرة تبقى غصون زتون ...
× صوتك نشيد
قلبك وطن
يا صمتنا اللي انفجر
يا جرحنا اللي اندمل
رجعتني لطهارة المواليد
ولحكمة الشقيان -
لما يجافي النوم ويقرب الأزمان
ويوافي في المواعيد
إديني يدك يا سليمان
أرمح في بحر الحق عندك
أنتشي ..
أفرد بساطي السندسي
وابدر القمحات معاك
أمشي وراك ، راسي لفوق
واغرف من الحب العفي ، حبة شروق
يابو الدراع ناول وجاوب باختصار
يابو الصباح صابح ، صباحك أبهة ..
هو ه كده بيت القصيد والمنتهى

هوه كده فعل الأجاويد الكبار ..
باحلم أشوفك وأعرفك ..
باحلم ده إيه .. !
فيه حد ما يشوفشي النهار .. !!؟

١٩٨٥/١٢/٢٥

× جندي مصري يطلق الرصاص على متسللين إسرائيليين في رأس برقه
بسيناء (١٩٨٥/٨/٢٥)

أوجلان ، وما كان في هذا الزمان

× وترفرف الجناحات
تنتنور الحكايات
أطلع لفوق مره
واسقط عليك مرات

× يترفرف الجناحات بلا جدوى
الريش مقصص نتاير
هبو الرياح أقوى
السبحه والمبخره
لا ضل ولا مأوى
وموحدين أشتات
فيه ناس تداوي جراحها بالرقوة
وأنا جرحي ما يبيرا
صمت اللسان أنات
ملح الألم ناهش
قيح الصديد كايش
وحار الطب والحكما
تتسلطن الخواجات .. !

× سوحني يا بحر الدموع ثاني
خدني بأحزاني
وخلي الشعر للشعرا
بالزفه سلطاني
وبعترني ولملني
وسأساني على المناحات
بور بواقي الحب .. ملحني

لأ الأرض دي ، أرضي
ولا الغنا لحني
القصة مش قصتي
بس الجدع لحمي
يادي حكاية الجدع
يا أغرب الحكايات .. !
لساه (طومان) مشنوق
لساه (طومان) مخزوق
دمه النبيل ناشع -
في العطفه والطرقا
و (سليم) ٢ في كل زمان -
راكب حصان سيفه
الدنيا كيف كيفه
والدور على (أوجلان)
لا خل ولا شافع
والبصاين ، زنازين
من كل مله ودين
وقسمي يا نايات .. !
هجمت جدادي (هولكو) من ثاني
تسرقني أحلامي
يا حلمنا اليافطه
بيسبكوا الخطه ، شفته ورا شفته
ويقسموا التركات ..
صوت المؤذن مات -
نتناسي ما بننسي
ويا ويل ندامي اليانكي والبكوات .. !
متأخذونيش يا حباب
متأخذونيش يا حباب

صوت الضمير مهموش
ضو الطريق مغبوش
في لعبة الأزمات ..
دبرني يا صاحبي -
إيه اللي في السرداب .. !
ليه القمر مخنوق .. ؟
ليه النهار فحمي .. ؟
دبرني واسمجلي ..
سرسبني في بسمتك -
يمكن تريحنني
وابدرني في المسافات ...
ده انا اللي باقي
من سنين فانت
أنا الرنين باهت
وأنا اللي محكوم بالسكات
وأنا الضمير متهموم
وأنا القتل مغلول
وأنا السجين والشاطر المشطور -
في ساحة الأغوات
يادي الزمان الشوم
لا مفخره ولا شان
هذا زمان العولمة
هذا الزمان الأمريكاني المقصلة .. !
هذا زمان الردة والنفايات
= ودك تعيش سلطان
إلبس دروع عارك
إنهش عروض جارك -
لا سلّم ولا إسلام

يا هلترى ، الدمع ده دمعي
واللا دموع (أوجلان)
يا هلترى تترجرج الأركان .. ؟
هلي يا شمس الزمان
يام النهار هلي ..
هلي وعلي وساساي غلي ..
دوري وقولي الصدق ، لا تملي ..
مين اللي خان وزلزل البنيان .. ؟
مين اللي شط ودبر الحبكة .. ؟
حسك تقول ، البخت والصدفه
المهزله حرفه
والمنجنيق مفسود
والغفله تختروان .. !!

١٩٩٩/٢/٢٧

هو الزعيم الكردي عبد الله أوجلان ، تكالبت في القبض عليه قوى الاميرالية العالمية وتسليمه للسلطات التركية ، بجريمة الدفاع عن حريته وشعبه .

(١) آخر سلاطين المماليك بمصر ، شنقه سليم الأول على باب زويله .
(٢) هو السلطان العثماني الذي هزم بالخيانة طومان باي في موقعة الريدانيه .

أحزان المغنى

(١١) الصبر :

× البسمة بشرة خير -
تملا الطريق قناديل ..
كلمة وهمسة صفا
بدندنة وتراويل
خليني يا خل الوفا
في بير سرك ، نديم وأمين
نورني يا خلي وبصرني
إنزل معايا البحر .. بحرني
إغسلني في الموجه .. يمكن تطهرني
والقي لصبري دليل ..
- مليني من تاني البيان .. قوللي
مرجحي فوق دفتك
في البحر وابدري
صبري طفح بالكيل
- عليني ع الصاري
واشبيكني في قلحك
حضن النسيم داري
وانا ودي أرجعلك
الفاك في أشعاري
وف بسمتك ظلي
إسقينني من صبرك
كأسات خمري
غرقني في حلمك ...
عومني تاني ، يمكن اسمعلك
باحفر على صدري الهزيل اسمك

يمكن في يوم اطلع ... !
اعذرني من فضلك
جرحي القديم قبح
والآهه بتسمع .. !!
#####


(٢) الخوف :

× مين اللي خلى الكلب سيع
والسبع صار دلدول .. ؟!
مين اللي خلى الندل غول .. ؟!
يابو الوجايع قول ،
مين دول ودول
إحكي معايا اللي اعرفه
أو معرفوش
إحكي بأمانه ودون رتوش :
- الصدق ليه مرعوش
والكذب ليه منفوش .. !
- الحق ليه مغبون
والظلم ليه ممنون .. !
مين اللي خلى العتمه سيف وقانون .. ؟
مين اللي دس العتمه في الحاره
وملا الشوارع خوف .. !
حسك تقول البخت ، عادة وكيف
واوعك تقول (قراقوش) -
أبو القانون والسيف ...
حسك تخلي التوهه تندهلك ..
فكر على مهلك
ويخر العتبه يابو النفس مكروش .. !

(٣) الحلم :

× صبح الصباح هزني
خلع الأمل خوفاً ..
ومشيت أمير سكتي -
الشمس على كفي ..
ودخلت ع المحكمة
رعث الحيطان طيفي ..
وحكمت ع القاضي
والإدعاء - سَلَم
يا حق يا معلم -
إنت بأكيد سيفي ...

الحب في زهد الغضب



هب المسا ، ونشر خيوطه ع البيبان
خافت حروفي المؤنسه .. عز الكلام
طعم الكلام مالح
لون الحروف أحزان
من فين لفين رايح
يا مركب الأحلام .. ؟
من فين ، وفين احنا .. !؟
..... نام الجدع قلقان
- زي السنين ما تحب ، قلت
وزي ما بحب .. السنين قالت ...
كان الكلام صادق ، والقاضي والوزان
كان الندي عارف ، القمحة والسسيان
وكان لنا في القول ، كلام عن امبارح -
بيحير السلطان .. !
أنا والقلم ، كنا بنتعاجب
ونظمن الحيران
كنا بنتصارح ، عز ما عز الكلام
نام الكلام والقول يابو الوجع مغلول ..
نام اللي حب الحبة والنيل والغيطان ..
أيام يجرجرها هنا
وتجرجرها الأيام هناك
يا مصعب الحيره ويا مصعب السجان
هز الهلال يا مجمع الخلان
هز الهلال وازرعني من تاني -
بسمه ربيع خضره ، أطلع بخلاتي
باحلم بصدق الحرف يملاتي




والحلم جوه القلب طيف
أخضر بلون بكرة الشريف
مبقولشي أه لكن ، الآهة وخذاني ..
أصبح غريب الحلم ع القلب النظيف
وبقت غريبة الشمس
ضاعت حرارة الحب في زماني ..
أشجار كثير ، صفرا ورقها نحيل
وتمر ، مش لاقى النخيل
والعمر مهموم بالخريف
نام الجدع شقيان عفيف
الشاب نام ... الشاب نام ...
والنوم يطول ، لو طال ذراع السلطنة
النوم يطول ، طول على الشاب العنا
من خوفه ليفوته الغنا -
قام واتنفض
صحص على لسانه الكلام
خذت القلم ..
شلت القلم تعبان
شالني القلم حزنان
ميلت بستة من الحنين
يلت دموعي ، خده - فرهد م الألم
شلت القلم تعبان نحيف
شالني وصرخ .. صحا الرصيف
وغرقنا في بحر الدموع
والدمعه غاصت في الضلوع
يا هلتري -
كان دمعنا شوق اللقا بعد الغياب
واللا من الخوف والنزيف .. !؟

١٩٨١


أحلام مستحيلة

(١)



× بأحلم ساعات -
بجناحي مطلق الجهات ..
شمال يمين
يمين شمال
طيري النديم -
الدنيا فرحة وأغنيات ..
وأحلم ساعات -
حلمي السجين :
عصافير طليقة وأمسيات ..
بالحب غثوة وروح ودين
الشمس ف احضان النبات ..
بالندى ، ف شهد الألم -
راحة وسكن
بالعيال طالعه -
ومش حافيه القدم
بالقمر ، يوم يكتمل
ونلف وياه في الحارات ..

× وأحلم ساعات لو أنتشي -
بندهة الخير العفي
ساكن بيوت الخلق نور
بالبسمه طاله ما تختفي
بالفنا .. دوار جسور
والغرام كحل البنات ..
#####



× واحلم ساعات -
لو طال علينا الليل نقوم -
قومة سيول ..
نرمي الهموم
نطوي الغيوم
ننزل في بحر الموت سوا
بنشقه بعضام الصدور
ونعود نرفرف بالرايات ..

× باحلم أنا ، والحلم طال
خدني في بحر التيه سنين
لفيت وغبت ...
ورجعت مخنوق الأنين :
الأرض ساجده ومؤمنه -
بس الأذان مش روح (بلال) !..
ما أصعب الحلم الندي المقتول صبي -
لا قمره ولا طلة هلال
وأما أصعب انك تكون تبتلي وانت الشجي -
بناس مكفنها السكات !..

× وكان الخير منشور
ومطوي في الصفحات ..
بين السطور والبور -
همس الشهيد كلمات :
(طوبى لكم يا مقتولين ، م الفرقه والخيانات
طوبى لكم يا مصلوبين أشتات
طوبى لكم .. طوبى لكم ..
يا تعبانين في جنة الأغوات)

غامت عيوني وغربت
من بين دموعي الليل هبط
حسيت بعمق الطعنه والمسافات
ولقيتني ناي مبحوح
ع الساقيه بيولول
طعن الأئين طول ...
الحق صوت مغلول والكذب بيغول
معرفشي ليه فكرت في الدنيا -
في شكلها الأول ...
في الخلق والأخلاق ولختلافات ..
معرفشي ليه فكرت في الدنيا
في ناس مثل وناس ، جبلها اتحول ..
في شئ تحبه حقيق
وتعمل ايه لو مات ...!
ملعون يا داء الفكر ...!
ملعون يا داء الشعر والأبيات ...!

× كان الكلام فيروز
لا خوف ولا دادابان ..
نوار على السكة
حكيم ، وضمان ...
كان الكلام حكمه
وكان وزان ...
رقيق كما النسمه
وكان إنسان ...
وف حضرة الوالي -
صريح وعالي الشان ...
لف الزمان لفه

وعادت رجفتي تعاني
تاهت سنون الكلمه في الزفه
بالأمر سلطاني
لا رد ولا عفة ...

صاحبي اللي كان نادر وحقاني -
أصبح حليف القرش والأعيان
ما أعجبك يا زمان !!!
وما أرخص الإنسان !!!
#####

(٢)

× كانت بلدنا بدور .. نواره وأكابر
حكمة وذهب منتور .. سهرابه ومنابر
ريتنا ع الإحساس بكل الناس -
بالحب عدينا ...
على دريها مشينا ما أخطينا ..
طلعت بنا عالي .. في العالي علينا ...
وعلمتنا الحب
وعلمتنا الحرب
وعلمتنا نجوع
وعلمتنا الصبر
وعلمتنا الوعد ، بر وصدق -
آيه وترتيله
كانت بلدنا بحق -
المأوى والمينا
الماضي والحاضر
الضهر والساتر
والونسه والسمار
جار الزمان ياما جار -

دأب في بلدنا التُّرك والمماليك

وإنجليز وتتار ...

وفي الخروج للموت -

وقف الزمان على شطنا بأكبار ..

محلّاكي يا بلدنا .. محلّاكي يا بلدنا

يا مطوله المادنه ومؤنسه الأحرار ...

#####

× كانت بلدنا دوام .. حضن الغريب ومزار

على صدرها المهموم شبوا عيال الجار

من الشمال والشرق

من الجنوب والغرب

وكل لون ومدار

وأما الزمان يندار -

تفتح ببيان بيتها

وتدور بقهوتها

وتهد غصن الحب من تاني -

ضليله ع الشوار

لا فضلت (عوضين) علي (مروان)

ولا طلعت (مروان) مع الأنفار ..!

ما أعظمك يا مصر يا مراية

ما أعظمك آيه ...

وما أكبرك ، لما العيال تخطي -

وتحضنهم ، وتقبلي الأعذار ..!!

###

× العصر والعلاقات والتوهه والسجان -

مضمون لشي واحد :

داهن وراوغ وغالط ، تصبح عظيم الشان ..

تملك جوارى وحشم ، وتصاحب الوالي ..

وكل دور بنيشان ...
هوه زمانك كده - يا عمنا الجاني ..
الكلمة ناعمه الحروف ، أما الشرف دامي ..
وتلاقي مين يرسمك ويصورك إنسان ..
ما أوكسك يابو الشرف سامي
ما أنحسك يا كل حقاني
وما أتعب الأيام !..
ما أوجعك يا عصر العتمة والأحزان ..
ما أظلمك ... ما أظلمك ألوان ...
باحلم أكون إنسان -
يوم أتولد ثاني .. !؟



ما تصدقيش يا قدس .. أعذارنا ..!

× ما تصدقيش يا قدس ، أحلامنا في الصالونات ..
نمسي بالأنخاب ونوزع البسمات ..
ونمد حبل الحوار في الروحه والجايه
والشمس مزويه خلف الغيام والخوف
الصمت غدر وزيف
نن العيون مصلوب
لاحق ولا ديه
سلك اللغم منصوب
لون الحوار خيه -
في الدايه والأشواط ..
(الأمن) مستأنس -
أرقام بدون أصوات ...!
مين اللي خلى الهم عزوه وزاد
وشتت الأشتات .. ؟!
مين اللي بور ندهه الشهدا
ولخبط الأنساب ... ؟!
صوت الحقايق مات
وعد الوسائط فات
لساها حمرة راية الأقصى
لساها مره التمره في حلوقنا
يا ويل مراوي الزيتون م المشبوهين خسة ...
ويا ويل مراكب حنون .. لا ميننا ولا مرسى ...!
ويا ويل خلايق بتعشق دمعة النكبات

× ما تصدقيش يا قدس حمثتنا ...
لا يخدعك صيتنا ..

ولا يحزنك موتنا ..
ده احنا اللي أخلينا ، م الفكر عروبتنا
وكشفنا عورتنا ..
واحنا اللي رعرع فينا الكذب وسقطنا
واحنا اللي مرغنا الخدود أحضان
وطاطينا بشروطنا
وشرنا من كوعنا ، في صحة (البارونات) ١

× ما تصدقش يا قدس ، أشعارنا :
(بكره حمام الحما ، حيصاصي في ديارنا
بكره الزتون بيتسم .. تحبل به أشجارنا ...)
بكره ، ونفسي يا بكره كل يوم قومه
تنجدنا م النومه
تقتل ما فينا الخجل والدم إصرارنا ..
تفتح ببيان الغضب .. من كل باب جمره
ما تصدقش يا قدس أعذارنا
ولا تحلمش بالحلول
في الإنشا والبيانات

× يا قدس يا همي ..
يا دمعتي الحايه ف عيون أمي ..
يا كلمتي التايهه ونار حلمي ..
لسه الطريق ملغوم
لسه القدم مشلول
ومكمين فمي !..
لسه الطريق مطلوب له ألف حريق
ولا يكفيهوش دمي !..
يا قدس يا همي

الحل مش سلمي ..
(ريجنالد) ٢ لسه بيقطع الطرقات ..
بيديح الأطفال ويدنس الحرمات ..
(ريجنالد) لسه بالحصان مطلق
في الأقصى بيغني -
تتفرع الصلوات
يا مين يبيع الورد ع الشهدا !..
ومين يصحى الغفلة في الصالونات !..

× ما تصدقيش يا قدس غير صوتك ..
صوتك أذان الفجر ، فيه قوتك ..
واتسلحي بالموت ، الخصب في بيوتك ..
من كل عين خضره بينطلق مولود ..
من كل جحر ودود بينطلق مارد ..
عود الأمل طارح
نبض الحارات موجود
يابس يا عود الحياه لو منبتك مالح
أخضر يا غصن الزيتون
وأنت أتون ودانات ...

(١) البارونات : هم أمراء الصليبيين الذين كانوا يحكمون المقاطعات الفلسطينية في زمن الحروب الصليبية .
(٢) ريجنالد : أحد ملوك الصليبيين ، كان يقطع طريق الحجيج في فلسطين ، وقد أسره صلاح الدين الأيوبي وأمر بقتله بسبب هذه الأفعال

حوار عصدي جداً

- آخر عطا ...
مين قال كمان .. ؟
.. لا ، مش تمن ..
ده البيت أثر
من " حتحور " الصبور
و " قناوي صنبو " المفتخر ..
- مين قال كمان .. ؟
.. لا ، مش تمن
.... ما تطولوش بس اللسان !..
كده فكروا وحتوصلوا
يا مبروزين ومجمعين تحف البشر
- أيوه ... يا هوووه ..
ولزومها إيه السفسطه !!..
يا سيدنا قولنا البيت أثر -
من عهد " يزبوك " الملك
وابن المتيم " قمحاويه " خد القمر
.. لا يا يا .. لا ..
ده القصر منقوش بالصدف
غير الجواري والفساقي
والحواديت العبر ..
والشغالين الحمالين
والحلابين لبن البقر ...
- أيوه .. هناك ... بتقول بكام .. ؟!
... شوف يا يا شوف -
السعر ده نقطه ف خبر
ناقصه النظر ..

شوف يا بابا شوف ...
الخضرة بتضم النخيل
والمية شوف ، ولا سلسيل
ودقيق عجين بعد الخمير
والتمر طايب ع الشجر
فوق بابا فوق
والشمس شوف ساعة الشروق -
ع القصر دايرة بالدفوف
فيه حد يلقي زيتها في أي سوق
أسكت وروح ...
نسيني - لو لحظة - الجروح ...!!
- مين قال كمان ... مين راح يقول
وحبيبتى عابمه ف دمها
شايله الحمول ، ولو حدها -
صامتة الحروف ...
واحنا هنا ، بنقول لها :
(يا حبتنا .. يام البلاد) .. من غير كسوف .. !

١٩٧٥

السويس حبيبي

على شطها شب الولاد
وف بحرها كان الميلاد
قالها التاريخ ، قالها الزمان
والدنيا كل الدنيا قالت :
زرعوا المبادئ في السويس -
طرحت نضال

الدرس المصري

× حسك تنسى ف لحظة حزن
اتك إنسان
وانك طالع
وانك سابق في الأديان ..

× إوعك تنسى تردد لحنك
حقق حلمك
واعرف إن الدنيا لازم تصدق -
تبني جسور ، وتمد تقابلك
والأجيال من بعدك جاية
عاقدة النيه -
حافظه الدرس ، تردد إسمك ..

× إوعك تنسى نذرة بكرة
الكلمه الذكري
وان الشمس حتطلع حتماً
صافية وساطعة
فكر .. دبر
لازم حتماً بكرة حتعبير
يابو تاريخ العالم كله -
بكرة الدنيا تقوم م الغفله
بكرة العالم يعرف إنك -
مصر الدايم طالع وسابقه
مصر النصره ...
مصر الفكره والإنسان ..

× من شعارات ولاد الأرض - ١٩٧٠

منه مفكرة رجل سويسري

× الكلمة لبلادي
والصبر جلادي
الكلمه لبلادي في بحر الصمت غنيتها
شالت حملي و غنتلي
بكيف كيفي وكيف كيفها
وقالوا زمان
(ده ياما الصبر بيهون أمور ياما)
شريت الصبر من نبعه
لقيت الصبر جلادي في عصري انا ..
عرفت الصبر زنزانه
ووخذانا لضلام جوفها
وانا دمعي كره صبري
مصعب حمول الصبر بعد الصبر يا بلدي ..
مصعب يكون الصمت طبع الحب في الدنيا !..
مصعب كلام الخلق جوه الحلق عن يونيه !..

× م المينا للكنال لآخر (لاربعين)
بيوت صفوف وطوف
يفط ع الدكاكين ..
لو تنطق الحروف ، طعم الكلام حزين !..

× ألف كل شارع حاضنه عنيا البيوت ..
والف كل حاره واتصنت ع السكوت ..
أسمع دقة قلبي ، في الصمت والبارود ..
وصوت لطيف صبيه بيعلا ألف صوت :
(الدم ع الحيطان والحزن في القلوب)

لكن مع كل دانه شايه إصرار جنود ..
باشعر إن ابتدئا ، نكتب سطر ف نشيد
يتردد في الضماير وتغنيه الشعوب ..

###

× حمامي يا حمامي ، يا مهاجر في البلاد
طمني يا حمامي عن بسمه الولاد -
إزاي رضعوا النسائم في زحمة المداين
وكيف حال البنات .. ؟
.. لسه شعورهم ضفاير
واللافات الميعاد .. ؟!

###

× آخر كلمه بيقولها شهيد ، بتعيش
تبقى علامه ونجمه ..
آخر كلمه حكمه ..
دي اللحظه اللي بنطق فيها الكلمه الصعبه ..
آخر كلمه ..
إياك والنوم
حسك تزهدي غناوي القوم
حسك وانت القادر -
تزرع للناس (الدوم)
حسك تبدر جبه بلا محبه ..
أرضك .. النيل .. الناس
عينك ع الشجره البكر ..
حسك تنسى ، تنسج غنوه فرايحي -
تطمع بسمات على شفة مصر ...

###

× يا كلمه الحقيقه
يا سكه ف كل ضيقه ..

ليه لما تبقى خضره -
يسقوكي الود سخرة
وانتي الحره المضيه
دوري يا كلمة دوري
وخضري بذوري ...
لسه الأيام بريئة
لسه الأيام بريئة

يونيه ١٩٧٠

السويس تغني


رفعت رأسها في عز الشده ..
نسجت ضي الشمس ف توبها ..
رقصت .. غنت ...
غنى القلب سلام ومجبة ..
محلا الغنا والمدفع صاحي
محلا صباحها ومحلا صباحي
محلا زحام الناس على بابها ..

عائشة سويسنا الغنوه الصابحة
حاضنة الفرحة وناصية الزينة
شفت غناها ربيع في المينا
غنت للأطفال وشيوخها
وللشغيلة
غنت في الأيام الصعبة
ولسه غناها شراع وسفينه
وأدي العيله -
طالعه تمد خطاها لبكره
وشايه المونه
(هिला هिला هिला .. مدوا الخطوه
هिला هिला هيلة ، المجد محطه ..)
خلي ذراعك جنب ذراعي
شمر .. عمر .. إرفع ياسطى ..
إزرع بسمه وخير لعيالي -
فنك عالي وعزمك سكة
زي النجمة ف ليل العتمه -
مضيئه مضيئه

- زي البسمه ف وش الصبح -
حبيبة حبيبة
- زي النسمه الحلوه الرايقة -
رقيقه رقيقه
- زي الموت والحيا والشمس -
حقيقة حقيقة
- وزى الكلمه ان صدقت تبقى -
صديقة صديقة
- زي الفجر النادي الجي -
طالعه سويسنا وليده جديده
- بتقول هيللا
- هيللا هيللا هيللا .. مدوا الخطوة ..
- هيللا هيللا هويه ، المجد محطة ..

١٩٧٤/٩/٢٩

عهد الحب والميلاد



× كل ما افرد لك شراعي تبديري

الأحلام ووداد

× كل ما امالك قنا -

دايما تسابقي وتسبقي

تملي القناني حياه وزاد

بتوعديني وتصدقي من غير عناد

وتهلي من شباكي نسمة تصبجي

وتفكريني بالميعاد

وانا في الميعاد

جيتلك بتفاريح البلاد

وكسبت يا سويس مطلبي

بس اطلبي ، واتشرطي

حقك علينا تؤمري

تتأمري

تتغندري

ده انتي الشرارة الحاسمة

والكلمة والروح والجهاد

###

× قومي اقطني -

وردك في أرضك وانقشي

الحنه في كفوف البنات

واتنفسي النصر الصبي

قومي اطلعي ..

وسمعيني وسمعي

موال جراحنا ، لسه بيمس الفؤاد

ويدوس الخوف ، يختفي


هوه كده -
لحنك وانا ، لحملك وانتى جنتى
ينبوع بنصافح العزم الوفى
###

× يا مركبى
يام الجهاد
يا جنة العشق العفى
والعيله والناس البساط
يا سويسنا يا باب النبي
عبدك تاريخ
جبات فى سبحة وملحه
سبحتنا فى اكتوبر تقول :
عبروا الولاد
بتروا الأيادي المجرمه
وانتى على خط التماس -
عالية وراسك للسما
بتفكرى وتدبرى
ويتحرسى يوم الميلاد ...
###

× صبح الصباح
يام الصباح السكرى
وغرفتى من بير الحياه حبه أمل
ونقشتى بعزوم الرجال -
دستور بلدنا الأبجدي :
إزرع حياه -
تخضر أرضك بالغنا ..
فرج عن المكروب أساه
وأعزف على العزم العفى -

صوت السلام
بالقوة والحب الندي
يام الولاد ، حفروا بدماهم قصتك
يا سويسنا يا باب النبي
يا نبضنا المليان عبر
حبك ملامحه في الهرم
حبك قدر
وانا ع الطريق رافع العلم
بارسم على صدرك نشيد الملحمة
ويكل كلمه ملهمه
باهتف واقول :
عبروا الولاد
بتروا الأيادي المجرمة
وانتي على خط التماس
عالية ورأسك للسما
بتفكري وتدبري
ويتحربي يوم الميلاد ...

١٩٩٩ / ١٠ / ٥



الأمل والله

أحبك أحبك .. وأحب أكثر صراحتك
أحبك أحبك .. وبأكره جفائك لأهلك
بحبك بحبك ، لكنني بأكره أقابلك -
مزوق كلامي وباطعن في ضهرك ..

قصيدة مهداة إلى صلاح جاهين :

(١) القمح مش زي الذهب
القمح زي الفلاحين
عيدان نحيله جدرها بياكل في طين

(جاهين - ١٩٦١)

##

تأملية شعرية في المسألة الجاهينية

(أبريل ١٩٧٥)

يا عم جاهين - ياللي انت قمحك مش ذهب
قلبي عليك .. وعليك ببسألني السبب !..
قلبي معاك ، دوار وغرقان في القلق ..
قلبي فداك ، حيران عجب ...
مالك كده ، يابو الحروف متبغده -
محزون كسير ، وانت الأمير !..
مالك كده -
أرضك شراقي ، وكنت محسونا الدليل
والدرس درسك يا ولد !..
عارفك أنا -
حملك ثقيل ، همك بلد ...
لجلن تقول ، لازم تشيل ..
والصبر موال الجلد ..
ده احنا هنا بتوع العجب !!..
إحنا هنا بتوع الكلام والع ينون
إحنا هنا بتوع الشطارة
والتجارة بالقانون


يعني كده .. إحنا البضاعة والزبون
ندفع ولا نسأل سبب
عجبي عليك يا بو العجب !!..
- إحنا هنا غريب .. غريبه أنك نسيت
لا أنت الطواشي المعتمد
ولا أنت يا بابا لك وسيط
ولا كنت عمرك غير جدع زي بسيط
يعني كده بالمفتشر -
في الهلضمه ، ملكشي صوت ..
وعشان تقول ، لازم يكونلك ضهر غول
ويكون بشرط من العصب ..
قلبي معاك شقيان عجب !!..
##

- حاسب كده
وارسم خطوطك مرتبة
نيم عليها الكذب
واهتف بالأغاني مزوقه
علشان تعيش .. وتعيش بقي !..
وتنول وسام عز الطلب ..
ده احنا هنا بتوع العجب -
ندابة تلطم ، واحنا .. أه -
نضرب سلام ونقول طرب !..

إبريل ١٩٧٥



- مكانتش تخاف م الليل
ولا كان للخوف في حياتها مكان
كانت شجراية الروح والبيت
لا رعشها الليل
ولا هز الخوف العود الزان
كانت إلهام
وكتاب مفتوح ، له كيان
وحساب وبيان ...
لو زارنا ف مرة قدر مكتوب -
كانت بالفطره ، النظرة البلسم
والدادابان ...
وتجافي النوم -
لو حست رعشه
في صوت العيل فينا
إن حتى عطس
أو صابه زكام
(الواد محسود .. الواد محموم
الواد - إسم الله - يا نضري عليه ،
ممصوص ممقوت ...)
وتخاصم الراحة ايام وايام ..
- مكانتشي زي حريم الناحية ، تعيد وتلت
كانت حاجه تانيه في معنى الصدق -
إن قام واشتد ...
وتحب الضحك -
لكن بتفرق بين الهزل وبين الجد ..
كانت شمعتنا ونبض الروح



ورباطنا الحي
كانت لو صابتنا أيها كرب
نواره وضي
دادابان سهران
وحنان وأمان بيكفي الكل
في البرد غطانا وعز الحر
الندى والظل
مكانتشى تشيل الهم ، إلا -
لو عيل فينا مقالشي الحق
أو دافع عنه لحد الموت
كانت سعادتها صحيح -
لو شافت بيت فرحان
أو شافت عدل البنيت ف بيت
لو سمعت صوت زغاريد
أو حست إيد بالخير -
بتطبطب ع الأحزان
وتمسح دمع القلب ...


###

- كان تفرح لما العيل فينا يمد خطاه
ويلاقي هواه
بيسبح باسم الله
مع كل أذان ، ما تفوته صلاه
وتقول الله ...
الله ع الستر الجاه
والجاه الستر
كانت حاجه تانيه في معنى الحمد
ومعنى الشكر ..
- مكانتشى بتعرف تقرا صحيح

لكن - اسم الله عليها -
في الأرقام ، رهوان مطلق
وتشوف كراريسنا ،
تمللي عنيتها من العلامات :
بالدرجة لفوق -
بنشوف في عنيتها الشمس شروق
ويا ويل ، لو عيل ضيع درجه من الدرجات
ويا ويل ، لو جاتها -
أيها شكوى من الشكايات
المدرسة - في نظرها - دائما صح
والخوجه أب حنون وإمام
الله يرحمها - كانت إسطورة
وصوره ومعنى
وعزوه .. وكانت ...
كانت أم

١٩٧٤

النص التالي



× أنا نصي نهار - محتار ..
نجمي المسعود .. مكتوب ..
وساعات مشطوب -
أدوار

لانا غالب ولا مغلوب
ولا ليش في السحر ولا الأسرار ..
من نظره بادوب - مفسوب -
لانا جوه العين ، ولا فوق
وبادوب ، حبوب
بيحب بشوق
إن يضحك -
تبقى الضحكه بزوق
وان يغضب -
شهد القلب يطق شرار ..

###

وانا نصي نهار .. زقزوق ..
عاشق معشوق ..
طيار
عصفور مطلق ..
وتكالي ورزقي على الخلاق
مخلوق -
أحيانا اجوع وساعات مرزوق ..
لانا م الأوليا ولا الأخيار
وئن جار الجار
أو ضاق الطوق
أو نزت جوه القلب شقوق ..

باغزل من جرحي نجوم وشروق ..

وأغاني ترتل للأزهار ...

###

× أنا نُصي نهار .. طالع ومدار ..

والنص الثاني يشلب دمع ..

النص الثاني .. النص الشمع -

مكتوف الإيد

مشدود بحديد

مطروش السمع

متعلق بين العصا والنار

واننا بين لتنين

نبضين مشقوق

قلبي النصين

مخزوق مرشوق خلف الأسوار ..

مين يسمح يسمح دمع العين .. أنوار .. ؟!

مين يسمح يزرع نصي البور .. أشجار .. ؟!

أشتد لفوق

واغيب وأتوه بين الأبرار

آه - لو يتوحد فيا النصين إصرار

مبقاش اتنين


مقسوم .. مهزوم -

بالناس الإفك وبالإنكار .. !

آه - لو يتوحد فيا النصين

مبقاش اتنين ضدين -

عاشين إجبار .. ؟!



بغیان عصري



###

× أنا البغیان
طليق اللسان
مزرکش ونافش
بناوش واهوش
ومعرفش اسيس -
حصان الکلام
ده انا البغیان ...

× وانا البغیان
الأمين الهمام
ماليش في المجادله
سريع المبادرة
حليف الصدام
ياريت تسمعوني
وتتبنوا درسي
تشقشق عيوني -
واصبح وامسى
وتخلف ظنوني
قططکوا السمان
ده انا البغیان ...

###

× وانا البغیان
الضليع البیان
وفي الوصف حجه
أرويه ولزقه
ولا ليش رباط

وابويا اللي سقا -
أبويا القرية .. عدى
واقول ، آبا مات
باشتت عقولكم
وبانزل يحوركم
بنفس السمات
ده انا البغيغان ...

###

× أنا البغيغان
أبويا العُرف ديكى
وفي الرطن لقطه
بكيفي وشروطي
وممكن تبيعني لهيئة امريكاني
وممكن تسوقني في سوق الغواني
ده ممكن ويمكن ، في كاني وماني
متفرقشي عندي حكاية شريكى
مادام في النهاية -
حتملا الجراية غموس ع المرام
ده انا البغيغان ...

###

× وانا البغيغان
فصيح اللجان
ومنطق حقيقي
لهذا الزمان
فمرة أمريكاني
ومره افريكاني
ومره ، المدور
واخرى اسطوانى



صفات مش بايدي
كلامي المحور -
لسان عبد سيدي
ومنتوج طبيعي لهذا الزمان
ده انا البغيفان ...

###

× وانا البغيفان
لسان وترجمان
وسعري النهارده
لا يقبل مفاوضه
وبره الميزان
حتكنم في صوتي
وتعلن سكوتي
حتخسر مؤكد
ويحلق ودقق
وراك دايره حمرا
وعالم مغامره
وفيه اللي زيبي -
زعيم ع الميدان
ده انا البغيفان...

###

× وانا البغيفان
الرهيئه الضمان
محكوم انطق بحسك
مفروض العب باسمك
مع اللاعبين
ويانجح تمللي
بخبرة وتجلي

وساعة التخلي
باغوص جوه جلدي
بملحي وخلي
ويطني الجعانه
الرهنه المهانه -
بتحكم بذلي
لابوا الصولجان ...!
ده انا البغيفان ...
أنا البغيفان ...

حبة أمل

× يا مصور الليل على عيون المدينة
ظلال حزينه
صورت إيه فيها ، وعرفت إيه فينا
ياما فينا !..



بتلفنا الأيام زحام
وف غمضه من عين الألم -
يفرد جناحات الأمل ، إنسان
سبب شعور الشمس فوق ورق الشجر -
صرّة حنان
- من أد إيه عرف الولد يقتل أخوه ؟
ولأمتي يفضل ينحني ظهر الزمن .. ؟
- من أد إيه كانت هنا أحلام بنات
وكتوف أمينه ع الوطن !..
أه يا عروسة الأرض يا بنت القمر
وحياة ما كنا في الصغر -
ننكش في شعرك
وانتي نايمه بتضحكي
وحياه ما كنا نيكلي وانتي تنوحي
وحياه ما كان الجرن دار
ودارنا هيه كل دار ..
لنكش في شعرك وانكشه
وارجع ألمه وافركشه ..
ده احنا صحاب
من صغرنا واحنا بنلعب في التراب
لكن بنفرح ، لما تحيل أمنا
وتجيب لنا حبة دره



نفرش حكاوي الحب في الليل مندره

آه يا بلدنا السكره

لأجيب منادي ، واصورك

ونقول كده -

أدي عروسة الأرض

دي أخت القمر

أم السمر

تسهر وتصحا من الأدان

تحلب بزاز صدر النهار

بأمانني زان

وترضع الجدعان نغم ...

- غلطان يا بو التصاوير

لو كنت صورت النغم أحزان

ياما فيك يا ليل

ولسه في الأحلام كلام

وشطوط أمان

ما بتنصيغ ألوان

ولاهش عماير طاله ع الأسفلت

نتلف في الهمس بشفايف ميتين ..

ياما ناس بتعرف تشتري وتبيع نسيم !..

عمري ما ابيعك يا النسيم .. أو أشتريك

ده انت أنا ..

إنت يا صاحبي كلنا ..

نتنفس العطر اللي فيك ، حبة أمل

لو تنحني ...

عصاعيص ضهورنا تنحني ..

فيه لسه في الأيام كلام

ولسه في الأحلام نغم ..

أغنيات الطفولة والشباب

يا طير .. يا خل الحب في بلادي
يا ريحة العنبر ومركبي وزادي
سلم لي ع الصحبه
وناس الناحيه في الوادي
واما الكلام يحلا ..
إرمي السلام بسمه .
صباح البسمه يوم نادي ...

###

يا طير .. يا همس الحب يا صاحبي
خلي البساط أحمدي
من تاني واسمجلي :
أطلع معاك احكي
أرجع رضيع .. أحبي
علمني تاني اتهجي .. أتعلم
نطق لساني العاصي .. أتكلم
نسيني يا بابا الرطن بالهندي ...

###

يا طير ، يا شمس العز يا مسافر
الغريه غول سهران
والليل غريم كافر ..
لما الجفون بتنام ، الفكر بيهاجر
لما العيون بتنام ، بتقرب المواعيد
قلبي اللي هذه الغريه والتجاعيد
لما يشوف طيفك ، فرحه بلفاك بيزيد
ويشيل معايا الصخر ونعافر ...

###

البت أم الهنا - بتحب - لكن ، مين ..!
الواد عليه الجدع ، ابن العرق والطين
حلمنا بام الهنا ، وهي نسيانا
وبعد ثلاثين سنه ، طليت في جوف قلبي
لقتيني يام الهنا ، زارع الغرام فدادين

يناير ١٩٩٠ - أبو ظبي

م	البيان	ص	م	البيان	ص
	إهداء	٣	٣	أناشيد الحزن اللبنانية	٤٢
	عزيزي القارئ	٥	٤	في ذكرى ما جرى	٤٥
	الهوية	٧	٥	حوار مع سليمان خاطر	٤٨
١	الكلمة	٩	٦	أوجلان وما كان في هذا الزمان	٥٢
٢	السلام	٩	٧	أحزان المغنى	٥٦
٣	موال	١٠	٨	الحب في زمن القصب	٥٩
٤	ندوة الحلم	١٠	٩	أحلام مستحيلة	٦١
٥	ميزان الكلام	١١	١٠	ما تصدقش يا قدس	٦٧
	الأرض والصحاب	١٢	١١	حوار عصري جدا	٧٠
١	ماتسألوش من فين	١٤	١٢	السويس حبيبتي	٧٢
٢	جوانيات	١٦	١٤	الدرس المصري	٧٤
٣	لما نحب .. تكون	١٨	١٦	من مفكرة رجل سويس	٧٥
٤	الأرض كروية	٢٠	١٨	السويس تفني	٧٨
٥	يعوض الله	٢٢	٢٠	عن الحب والميلاد	٨٠
٦	شئ ييخير	٢٥	٢٢	الأمل والثمن	٨٣
٧	حكايات بلدنا	٢٧	٢٥	تأملات شعرية	٨٥
٨	رسالة من القرية	٢٩	٢٧	أمي	٨٧
٩	مقاطع من كتاب الوصايا	٣١	٢٩	النص الثاني	٩٠
	أناشيد للحزن	٣٤	٣١	بغيفان عصري	٩٢
١	كلمات العمر القادم	٣٦	٣٤	حبة أمل	٩٦
٢	هيمنجواي والموت في عز الظهر	٤٠	٣٦		

صدر للشاعر :

- ١ - شعب لن يموت أوبريت ١٩٧٠
- ٢ - السويس حبيبتي أوبريت ١٩٧٣
- ٣ - أصل الحكاية ديوان شعر ١٩٩٩

نبأسة
للنشر والخدمات الإعلامية